

docstoc for 文川網  
入駐商家 古籍书城  
在文川網搜古籍书城 获取更多电子书

中國方志叢書·華中地方·第一七號

據 吳 葭 等 纂 修  
民國二十年鉛印本 影印

江蘇省

# 寶山縣

再續志  
新志備稿



成文出版社有限公司印行

\*10105987\*


中國方志叢書·華中地方·第一七號

據 吳 蔚 等 纂 修 影印  
民國二十年鉛印本

江蘇省

# 寶山縣

再續志  
新志備稿



成文出版社有限公司印行



\*10105988\*

中華民國五十九年五月壹一版

# 寶山縣

再續志  
新志備稿

全二冊

發行人：黃 成 助

出版者：成文出版社有限公司  
台北郵政信箱二二六〇五號

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

共和二十年八月

寶山縣再續志

吳邦珍書

# 寶山縣

再續志  
新志備稿  
總序

新修志書其例有二一爲重修合前人各書裒集以成而仍明注出處如吳從政襄沔記宋如愚劍南須知此一例也一爲續修就古人之書廣續成編如無名氏續襄陽耆舊傳熊欣豫章舊志後撰此又一例也大抵時代緜遠前人著述不止一種且互有出入必須彙括以爲理董者則用前例若歷年未久前人著作無多可以據依而成續編者則用後例寶山自勝朝雍正三年始行分治乾隆十年纂成志書十卷此爲第一次志光緒八年重修爲十四卷卽續志中所謂前志也續志十七卷成於民國十年其記載則起光緒八年訖民國六年中間僅三十六年距光緒重修之時並非久遠且前志尙稱完善故不用重修而用續編仍於卷末附前

志校勘記如干條以補正其違誤法至善也今之再續志則自民國七年至民國十七年六月上海市與本縣劃分區域之日仍於十七年七月以後至二十年六月止就劃分以後之全縣狀況分編若干目爲將來續脩新志之準備定名爲新志備彙互相銜接有條不紊葭於斯役忝居監修之職屢與委員會及編纂諸君子往復討論旣以代去而獲觀厥成實與闔邑人民同深慶幸屬爲弁首其曷敢辭抑聞之地方文化愈發達則其著述愈詳備有詳備之著述復可爲將來發達之基礎互相爲因歷試不爽寶邑當江海之處扼淞滬之要事物至蕃蛻變至速幾於日新月異而歲不同前經內政部暨本省政府之督促與指導益以諸君子之努力專從民生國計及發展地方之要端再三致意爲有系統之記

繼而仍與往昔史例相符斟酌於古今中外之所宜以著明歷次  
進化之跡可爲將來施政之準繩豈第循例載筆爲粉飾承平之  
具已哉

中華民國二十年九月九日武進吳葭



第 一 卷 第 一 章 第 一 節

### 寶山縣再續志序

寶山之爲邑據江海之衝與上海市相毘連談市政者每並稱上寶而教育文化若暨南同濟勞動各大學皆年需費至三十餘萬金若東方圖書館皮藏書籍幾至四十萬冊凡此數者其規模之宏占地之廣他處無與倫比而皆位乎寶山境故吾謂上海爲全國之上海則寶山亦當爲全國之寶山非一邑所得而私也其記載之宜亟可知也憶八九年前識錢先生淦於滬上時先生方纂寶山續志甫脫稿寓廬對榻娓娓談不倦未幾書成見寄讀之粲然明備矣今時閱十年而王先生鍾琦纂再續志又將告成嗚呼何其盛也余之識王先生也在今歲之春一見握手卽以再續志序爲委余遂謝昨者忽郵示成稿督序益急竊念敝邑之擬修志

亦久矣不才如余曩年與錢先生同時任纂修之職雖草就志例迄未成書而寶山則一續再續而不已余方慚赧之不暇其何能有言哉昔章實齋有州縣當立志科之議謂州縣之志不可取辦於一時則平日當特僉典吏之明於文法者充其選而立爲成法俾如法以紀載積數十年之久則訪能文學而通史裁者筆削以成書夫志科之意美矣然平日采訪儲納旣已備詳無缺則五六年或七八年卽整理而修輯之事誠易易乃實齋之意以爲筆削成書必待遲之數十年之後何也蓋時近則好惡多而是非未定故也今各縣旣未有志科之設則少其年歲而勤其修輯法之善無逾於此者矣矧寶山聲明文物交通繁盛爲全國所屬望記載尤不容稍緩者乎我因之有感焉是志之距續志纔十稔耳而友

朋中如錢先生淦施先生贊唐錢先生衡同金先生其照皆久成  
宿草名列書中卽政事風俗教化亦更大異於前益令人不能無  
老成彫謝風會變遷之懼已

民國二十年雙十節金山高燮謹序



# 序

民國十七年江蘇通志局成立省府通行各縣同時修縣志令下或者曰我邑修志才十年餘耳可不必修時武進吳公稼農長邑事適市縣畫界區域變更以爲是亦寶山一大紀念且制度改革時勢變遷繼續修纂是邦人士之責招各公團領袖集議辦法並以鍾琦主縣款產事屬籌款進行爰商之印君湘孫浦君擷英擬具意見書達省報可組織委員會於十八年七月開始採訪十月着手編纂翌年六月初稿始定竊以志者史也史以物質人文二者爲要素此十年餘之物質也人文也或耳所親聞目所親觀以視前哲之追敘數十年前事實其難易爲何如耶鍾琦謫陋有前志續志之良好師承委員會暨編纂諸君之指導贊助猶恐述

焉弗詳貽毛舉之譏博訪周諮惟日不足始獲如期蒞事作邑志之一小結束聊以補纂修續志未獲卒業之過至斯志編纂標準具詳凡例茲不贅焉

共和二十年五月王鍾琦謹序

## 寶山縣再續志凡例

一本志卷目體例悉照續志其卷首之黨務記卷末之編纂始末記參酌省發通志擬目增入

一本志起訖年代自民國七年接續續志托始至十七年六月市縣畫界終止

一本志各卷子目以時勢潮流政令互異略有損益特於增出子目之下撮敘緣由俾易明瞭

一前志續志志目均有敘例仿自班書省縣志均仿其例表襮著者之精意本志銜接續志大體並無變更故不再贅

一人物志照前志續志略變標目已於卷內分敘理由標準茲不贅述



一 本志前後起訖時期視續志尤短與其失之簡毋寧失之繁故章程規則蒐羅檔案紀載不厭求詳

一 物質名稱今昔容有改變例如交通志之滬甯鐵路今稱京滬鐵路但記敘昔年事實仍用舊名其他倣此

一 通志擬目補遺列卷末但分類編列殊嫌瑣碎故仍於各子目內依類補載但加補字以期醒目

一 本志經委員會組織之審查會審查定稿人物志並先油印分發各市鄉取決多數同意以期公允

一 本志定名於志稿完成時通函表決多數同意適用今名

docsriver 文川网  
入驻商家 古籍书城

在文川网搜索古籍书城 获取更多电子书

寶山縣再續志目錄

卷首

總序

序一

序二

凡例

黨務記

卷一

輿地志

沿革

沙洲

形勝

無續

市鎮

界址

無續

戶口

圖圩

面積  
不另詳立圖表

土質  
無續

氣候  
無續

卷二

水利志

江海  
無續

堤防  
石梗護塘森林

東塘  
無續

西塘  
無續

河渠  
無續

涵洞  
開壩

治蹟  
民濬兵災

濬法  
禁令

卷三

營繕志

城垣

海塘

壇廟

公署  
監獄

局所  
其他公共

路街

津梁

卷四

財賦志

考賦

無續

蠲減

額徵

鹽法

無續

蘆課

征權

不續

洋商年租

無續

縣地方稅

帶征經費補助費

雜捐

公款公產

教育款  
產增

卷五

禮俗志

祀典

無續

褒揚

重遊泮宮

風俗

方言增

節序

寺觀

教會

卷六

實業志

農業

漁業 增

工商業 商埠增

農工商會

卷七

教育志

書院 無續

教育會

勸學所教育局 縣視學員 縣督學 勸學員

社會教育

學校教育 畢業人員 教育人員 增

卷八

交通志

縣道

市鄉道

馬路

長途汽車

航路

郵遞

電信

卷九

兵防志

防軍

炮台營署

無積

團防

兵事

卷十

警務志

縣警察

保衛團  
警察附

司法

商埠警察

水上警察

消防

保健

禁烟附

卷十一

救卹志

倉儲 無續

救助

恤亡

卷十二

職官志

災振

縣職 續文職

政績

卷十三

選舉志

科貢 無續

廢襲 無續

仕進

公職

封贈 無續

勳獎 不續



卷十四

人物志

事略一 事略二 事略三

列女

卷十五

藝文志

書目

金石

卷十六

名勝志

古蹟

園林

會館

祠墓

卷十七

雜志

軼事

清丈志餘

卷末

續志校勘記

編纂始末

寶山縣再續志卷首

黨務記

黨務工作在元年時邑中學子已有加入同盟會者十五年七月  
警師北伐蘇省在軍閥孫傳芳淫威之下覺悟份子競起組織黨  
部是年八月本縣第一第二區區黨部成立艱危奮鬥由秘密而  
公開風雲變幻黨基杌榘熱忱同志苦心經營撫今追昔彌增感  
喟前事不忘後事之師述黨務記

同盟會時期

民元國民黨分部增

清光緒末葉留東同志趙正平袁希

洛加入同盟會宣傳民族主義並鼓吹擴張民權在國內互助進  
行者蔡增譽楊璠邵曾鏗章復仁李維勳

後改名  
中一

等灌輸軍學界

革命知識

民國初元國民黨總部成立本縣設分部於羅店隸黨籍者一百七十餘人孫啓麟任分部長范迪彝副之至洪憲稱帝總部櫻黨網分部遂無形解散

秘密時期 十五年八月由張京石凌太荒蔡有常譚翼鵬顧熙呂兆平陳造風等秘密在城市劉行等處組織黨部奔走各處秘密宣傳徵求同志雖處於孫傳芳淫威之下同志間革命精神毫不稍減十六年二月七日在上海法租界望志路江蘇省黨部正式成立縣黨部凌太荒任常務委員革命空氣益形濃厚時孫傳芳軍事初敗劣紳惡董助以餉糈本黨同志發表宣言施以警告乃大遭忌恨呂兆平同志因以出亡各同志秘密集滬努力奮鬥同志之加入者益衆分工合作成效大著凌太荒呂兆平等二十

餘人奮起從戎投效於前國民革命軍新編第十六師師長何嘉祿麾下殺敵於張堰金山衛一帶沙場效命血戰兼旬孫兵盡退東南半壁得告肅清凌同志等均有功焉

公開時期 十六年三月十九日國民革命軍第一軍第一師蒞滬廿三日由滬到淞全縣民衆迎候黨軍歡呼萬狀縣黨部卽由上海遷至城西公園前縣議事會公開辦公聘馮邁櫻同志爲祕書遂卽組織各種民衆團體各農民協會商民協會教育協會並開縣民大會宣揚黨義討論問題民氣發揚於斯最盛時同志等皆奔走辛勤朝夕從事費用悉由私人籌墊顧熙同志犧牲獨多工作人員均盡義務四月七日羅店土豪李星聯闖入第四區黨部污辱總理遺像縣黨部正欲加以懲處詎李某忽遁滬用重金

賄賂前東路軍前敵總指揮部政治部並聯合惡勢力與黨部爲  
難致一線青白曙光又罩雲霧黨事之不幸亦地方之不幸也  
特別委員會時期 黨國不幸甯漢分裂四月十八日國民政府  
建都南京實行清黨共產黨卽不容於我黨而一般土豪劣紳竟  
竊取清共之名乘機紛起對在黨忠實同志明攻暗擊百計謀害  
怨遭不白者不可勝計本縣土劣麕集滬上並勾結在黨惡化份  
子悉力向黨部進攻橫誣凌太荒張京石等八人  
蔡有常 馮邁櫻 顧 熙 呂兆平 陳造 風 爲共產黨經總政治部查明不確乃免於  
難縣黨部於五月十二日發表宣言剖明真相六月十五日省委  
特別委員凌太荒等五人就職省特派員陸友白亦到寶指導詎  
未一旬於二十三日午刻在部同志張京石譚翼鵬呂兆平三人

docsriver 文川网  
入驻商家 古籍书城

在文川网搜索古籍书城 获取更多电子书

被駐滬二十六軍逮捕下獄縣黨部亦被封聞者驚愕蓋時在縣土劣猶集上海見計未售於政治部乃賄通軍隊下斯毒手幸蒙葛建時同志等竭力營救經前國民政府主席胡漢民暨蔣總司令中正等相繼證明受誣縣黨部于六月廿九日啓封張同志等于七月十一日出獄計前後共三星期已飽嘗鐵窗風味矣後經特別委員會呈請江蘇省黨部特別委員會轉呈中央將在黨叛逆黃壽升邵繩祖永遠開除黨籍以重黨紀斯時寶山黨務雖無特殊成績然於喪亂之餘猶能振作精神與舊惡勢力作殊死戰亦非易易也

臨時執監委員會時期 自甯漢分裂後武漢政府於八月中旬亦事分共九月中旬由甯漢合作局爲甯漢滬三方合組特別委



員會行使中央職權省以下之黨部俱改爲臨時執監委員會凌太荒呂兆平等卽於十二月二十五日宣誓就職二十六日委派各區黨部臨時執監委員負責進行並聘請張京石同志爲全縣黨務視察員民衆團體爲商民農民協會等俱着手整理久經沈寂之寶山黨務至此又呈活躍十七年一月發生市縣劃界問題黨部同人首先發起組織寶山縣境維持會後改組爲寶山縣治討論會由馮邁櫻蔡有常張京石等主持辦理結果大場楊行兩鄉仍歸縣有寶山之不亡該會有與力也

恢復特別委員會時期 中央特別委員會產生寧漢戰事爆發自第四次中央執監委員全體會議後政組中央黨部整理各地黨務在整理期中各地黨部一律停止活動故在縣特別委員會